

## **RANCANGAN PENGAJARAN HARIAN**

<b>TINGKATAN</b>	: 4
<b>MASA</b>	: 40 minit
<b>BIDANG</b>	: 7 Nilai Berkaitan dengan Keamanan dan Keharmonian
<b>PEMBELAJARAN</b>	
<b>NILAI</b>	: 7.2 Saling Membantu dan Bekerjasama
<b>KANDUNGAN</b>	: Peningkatan taraf hidup rakyat, usaha bersama
<b>AKADEMIK</b>	
<b>TAJUK</b>	: Wawasan 2020 dijayakan bersama
<b>HASIL</b>	: Di akhir pelajaran, murid dapat:
<b>PEMBELAJARAN</b>	1. Kognitif Moral (i) Menerangkan kepentingan saling membantu dan bekerjasama dalam mencapai cabaran-cabaran Wawasan 2020 2. Perasaan Moral (ii) Meninmbangkan perasaan dan keperluan diri dan masyarakat dalam menghadapi cabaran-cabaran 2020 3. Perlakuan Moral (iii) Bekerjasama dengan pelbagai pihak dalam menjadikan cabaran sebagai kenyataan pada peringkat di sekolah.
<b>PENDEKATAN</b>	: Penjelasan Nilai, Caring
<b>TEKNIK</b>	: Perbincangan, Sumbang saran
<b>SUMBER BANTU</b>	: Kad cabaran, lagu Wawasan 2020, Ucapan Ikrar
<b>MENGAJAR</b>	

### **Permulaan**

- (i) Bersumbang saran mengenai masa depan diri murid-murid pada tahun 2020.
- (ii) Meminta murid-murid mengatakan apakah cita-cita mereka telah tercapai dan apakah cabara-cabaran yang bakal mereka hadapai dalam merealisasikan cita-cita tersebut?
- (iii) Meminta murid-murid menyatakan perasaan mereka tentang pembangunan negara pada masa kini dan apakah perbezaan yang mungkin berlaku pada tahun 2020?  
Meminta beberapa murid memperjelaskan pandangan mereka.
- (ii) Memperkenalkan tajuk pelajaran dan bertanyakan apakah yang dimaksudkan dengan Wawasan 2020.

### **Aktiviti 1**

- (i) Menerangkan aktiviti yang akan dijalankan adalah berkaitan dengan perbincangan matlamat dan cabaran Wawasan 2020
- (ii) Bahagikan kelas kepada 9 kumpulan kecil.
- (iii) Setiap kumpulan diberikan satu kad cabaran W2020. (Lampiran 1). Setiap kumpulan dikehendaki membincangkan aspek yang berikut:
  - Kepentingan cabaran untuk negara
  - Contoh bagaimanana cabaran masing-masing boleh dicapai di peringkat sekolah
  - Nilai yang perlu diamalkan oleh diri dan murid sekolah untuk mencapai cabaran tersebut.
- (iv) Meminta setiap kumpulan membentangkan hasil perbincangan dalam kelas. Murid-murid dari kumpulan lain digalakkan untuk bertanya soalan bagi memberi lebih kefahaman terhadap cabaran W2020
- (v) Menyoal murid dengan soalan berkaitan dengan cabaran yang mereka bentangkan:
  - Pada pendapat anda bagaimanakah cara untuk merealisasikan cabaran tersebut ?
  - Apakah peranan yang dapat anda lakukan dalam menjayakan cabaran tersebut?

### **Aktiviti 2**

- (i) Guru menyedarkan lirik lagu Wawasan 2020 kepada murid-murid (Lampiran 2)  
<http://www.kempen.gov.my/images/files/lagu.patritik/Wawasan2020.mp3>
- (ii) Murid sama-sama menyanyikan lagu tersebut yang dimainkan
- (iii) Bahagikan kelas kepada kumpulan kecil yang *heterogenous*
- (iv) Meminta murid melukis satu gambar yang membayangkan negara Malaysia yang telah mencapai Wawasan 2020.
- (v) Meminta murid mempamerkan hasil lukisian kumpulan dalam kelas.
- (vi) Murid-murid sama-sama menyanyikan lagu tersebut semula.

### **Aktiviti 3**

- (i) Murid-murid diminta untuk mencipta ikrar yang sesuai bagi cabaran Wawasan 2020
- (ii) Murid-murid dalam kumpulan asal, menerangkan ikrar Wawasan 2020 yang mereka cipta dan kaitkan dengan cabaran W2020.

### **Penutup**

- (i) Membimbing murid menerangkan peranan mereka dalam mencapai matlamat Wawasan 2020.
- (ii) Mengaitkan nilai yang perlu diamalkan untuk mencapai matlamat Wawasan 2020.

### **Penilaian**

- (i) Meminta murid meramalkan kehidupan mereka pada tahun 2020.

## Lampiran 1

*1. Mewujudkan sebuah negara yang bersatu padu dan satu bangsa Malaysia yang mempunyai matlamat yang dikongsi bersama.*

*2. Membentuk sebuah masyarakat Malaysia yang berjiwa bebas, tenteram dan maju dengan keyakinan terhadap diri sendiri.*

*3. Mewujudkan masyarakat demokratik dan mengamalkan satu bentuk persefahaman yang mantap.*

*4. Melahirkan masyarakat yang bermoral dan beretika, kukuh dalam nilai agama dan kejiwaan dan didorong oleh pegangan etika yang tinggi.*

*5. Mewujudkan masyarakat yang liberal dan toleran, yang mana pelbagai kaum bebas mengamalkan adat, kebudayaan dan kepercayaan agama masing-masing.*

*6. Mewujudkan masyarakat saintifik dan progresif yang mempunyai daya perubahan yang tinggi sebagai pengguna dan penyumbang sains dan teknologi.*

*7. Mewujudkan masyarakat yang berbudi dan berbudaya penyayang, yang mana kebajikan insan tidak berkisar kepada orang perseorangan tetapi di sekeliling sistem keluarga yang kukuh.*

*8. Mewujudkan masyarakat yang adil ekonominya, yang mana kekayaan negara diagihkan tanpa mengenal kaum dan fungsi ekonomi.*

*9. Mewujudkan masyarakat makmur yang mempunyai ekonomi yang boleh bersaing, dinamik, teguh dan berdaya tahan.*

Lampiran 2

***Wawasan 2020 (Akbar Nawab)***

**Wawasan 2020**

*Bendera berkibar di angkasa  
Lambang negara jaya  
Rakyat sepakat sehati sejiwa  
Dengan berbakti dengan megah*

*Hadapi cabaran masa muka  
Penuh tenaga murni  
Bakti dicurah sehara-sehala  
Dengan wawasan yang suci*

*Wawasan meningkat kemajuan  
Tiada lagi kepincangan  
Kemewahan rasa-dirasai  
Bersama kita nikmati*

*Wawasan 2020  
Satu pandangan jauh  
Bukan impian malah kenyataan  
Bersama kita jayakan*